

Arkivnr: 2018/781-15

Saksbehandlar: Sturla Binder

Saksframlegg**Saksgang**

Utval	Saknr.	Møtedato
Utval for kultur, idrett og regional utvikling		19.06.2018

Tilskot til sogelag/historielag (lokalhistorisk arbeid) 2018**Samandrag**

Føremål med ordninga:

Ordninga sitt føremål er å stimulere til, og støtte opp om lokalhistoriske initiativ og lokalhistorisk aktivitet i samsvar med Regional plan for kultur 2015 – 2025. Ordninga skal stimulere til aktivitet, og sikre innbyggjarar i heile fylket høve til å delta i eit mangfaldig kulturliv, jmf Regional kulturplan 2015-2025.

Retningslinjer for tilskotsordninga vart vedteke i Kultur- og ressursutvalet 13.02.2018 (PS 24/2018). Alle sogelag/historielag i Hordaland, evt. i samarbeid med andre, kan søkje.

I årsbudsjettet for 2018 er det sett av kr 155 000 til tilskotsordninga. I samsvar med PS 24/2018 vart tilskotet til Hordaland sogelag på kr. 37 000 ført vidare som eit driftstilskot. Til saman er det difor kr. 118 000 å fordele. Støttenivå til einsskilde søknader er maks 30 000 kroner.

Ved søknadsfrist 15. mars 2018 var det motteke 13 søknader. I vedlagt liste er det i tillegg til opplysningar frå søkjar gjeve ei kort grunngjeving i samband med fylkesrådmannen sine tilrådingar. Søknadene er vurderte i høve retningslinjene for ordninga og fylkeskommunen sitt regionale kulturansvar.

Generelt:	
Budsjett 2018:	155 000 kroner
Søknadsfrist 2018:	15.mars
Vedtaks kriteria:	KIRU 13.02.2018, PS 24/2018
Kriteria og informasjon om ordninga:	http://www.hordaland.no/nn-

Våren 2018:	
Tal på søknadar:	13 søknadar
Tal på søknadar som er tilrådd støtte:	11 søknadar
Samla søknadssum:	332 000 kroner
Tilrådd til fordeling:	118 000 kroner

Økonomi: Tilskotsordningar på kulturfeltet er eit økonomisk verkemiddel og står sentralt i den regionale kulturpolitikken til Hordaland fylkeskommune.

Klima: Gjennom lokalhistorisk arbeid kan ein formidle kunnskap om klima og miljø i fortid og notid.

Folkehelse: I «Regional plan for folkehelse 2014-2025 – fleire gode levekår for alle» vert det lagt vekt på at kulturopplevingar har positiv verknad på folkehelsa. Arbeid og engasjement rundt lokalhistorie styrkjer mellom anna lokal identitet og frivillig arbeid.

Regional planstrategi: Lag som arbeider med lokalhistorie er aktørar i lokalsamfunnet som med kunnskap, engasjement og dokumentasjon kan bidra inn i planarbeid på ulikt vis.

Forslag til innstilling/vedtak

Utval for Kultur, idrett og regional utvikling løyver 118 000 kroner over budsjettpost 400.620.15, slik:

	Namn på søkjar	Tiltak	Tilråding
1	RADØY SOGELAG	Sogeblad	10000
2	FORTIDSMINNEFORENINGEN - OS	Tilskudd til blå emalje skilt	10000
3	BOLSTADELVA AS	Bok om Bolstadelva	13000
4	ASKØY KYSTLAG	"Silden" H147A	18000
5	SUND SOGELAG	«Havstrilen 2018»	8000
6	KVAM SOGE- OG KULTURMINNELAG	Stølsbok for Kvam herad	12000
7	VOSS SOGELAG	Årboka "Gamalt frå Voss"	8000
8	GESTAPOMUSEETS FORENING	Digitalisering av Haftbücher fra Bergen Kretsfengsel 1940-1945 og SIPO Wachprotokolle Veiten 3	0
9	ALMÅSGÅRDENES VENNER	Tiltak for å øke det frivillige engasjementet i Åsane for å rehabilitere og ta vare på	13000
10	SUNNHORDLAND MUSEUM	Årbok om Wichmann Mototfabrikk	15000
11	HORDALAND SOGELAG	Driftstilskot Hordaland sogelag	0
12	AUSTEVOLL HISTORIELAG	"På butikken fekk me alt"	6000
13	BJØRGVIN MARKNAD	Bjørgvin Marknad 2018	5000

Rune Haugsdal
fylkesrådmann

Per Morten Ekerhovd
fylkesdirektør kultur og idrett

Saksframlegget er godkjent elektronisk og har derfor inga underskrift.

Fylkesrådmannen, 11.05.2018

Tilskot til sogelag er open for alle sogelag/historielag i Hordaland, evt. i samarbeid med andre. Det er søknadsfrist ein gong i året, om våren.

Ved søknadsfrist 15. mars 2018 var det komen inn 13 søknader. På budsjettpost 400.620.15 Fylkesarkivet i årsbudsjettet for 2018 vart det sett av kr 155 000 til tilskot historielag. Retningsliner for tilskotsordninga vart vedteke i Kultur- og ressursutvalet 13.02.2018 (PS 24/2018). Ordninga sitt føremål er å stimulere til, og støtte opp om lokalhistoriske initiativ og lokalhistorisk aktivitet i samsvar med Regional plan for kultur 2015 – 2025. Støttenivå er maks 30 000 kroner. I samsvar med PS 24/2018 vart tilskotet til Hordaland sogelag på kr. 37 000 ført vidare som eit driftstilskot. Til saman er det difor kr. 118 000 å fordele i tilskotsordninga.

Ordninga sitt føremål er å stimulere til, og støtte opp om lokalhistoriske initiativ og lokalhistorisk aktivitet i samsvar med Regional plan for kultur 2015 – 2025. Ein har sett til prioriteringane som ligg i planen og tilhøyrande handlingsplan når ein har vurdert søknadane.

Prosjekt som fremjar aktivitet i laget, som legg opp til samarbeid med andre lag eller etablerte arkiv-/bibliotek- og museumsinstitusjonar, samt prosjekt som har overføringsverdi til desse. Ytterlegare moment ved vurdering av søknad/skjønsutøvinga, i uprioritert rekkefølge:

Det er eit mål å fremje innsamling og registrering av dokumentasjonsmateriale i form av t.d. foto, arkiv, stadnamn og livsminne, samt stimulere til frivillig engasjement, mangfald og kvalitet.

Støttenivå er maks 30 000 kroner. Det er sett krav om at søknaden må ha mål og framdriftsplan for prosjektet, budsjett, søknadssum, planlegging, evt. samarbeidspartar. Hordaland fylkeskommune har eit regionalt kulturansvar, og har prioritert strengt ut frå dette og dei andre vurderingskriteria.

Søkjarmengda har ein nedgang frå 18 i 2017 til 13 i 2018, og den samla søknadssummen er kr. 332 000. Tilskotsordninga vart gjort kjend m.a. gjennom våre faste nettverksmøte for privatarkiv, nettsider og informasjon pr. e-post. Det er utfordrande å finne parameter for å måle søkjarane opp mot kvarandre.

Det vert ikkje gjeve tilskot til følgjande:

- a) ordinær drift og løpande aktivitet
- b) investeringar i bygg, anlegg og utstyr
- c) reiseutgifter
- d) utbeiding eller revisjon av lokal- og regionalhistoriske verk

Vi opna i år for å prioritere færre prosjekt med større beløp enn tidlegare år innanfor ei ramme på 20 000 - 30 000 kr. Ingen større prosjekt skilde seg klart ut blant søkjarane, men vi har prioritert søknadar som er prosjektbasert framfor dei meir faste årlege tiltaka. Det må gjerast merksam på at dette er prosjekttilskot og at søknadene kvart år vert vurdert på nytt opp imot samla søkjarmasse. I vedlegget har fylkesrådmannen grunngjeve tildelingane og avslaga. Det er viktig å ikkje ta kvar enkeltkommentar som ei fyldestgjerande forklaring/grunngjeving for tilsegn/avslag, men som moment i ei heilskapleg vurdering opp i mot kriteria, fylkeskommunen si kulturpolitiske rolle og samla søknadsmengde.

Viser til vedlegg med oversyn over søknadane med fylkesrådmannens grunngjeving til kvar søknad.